

VENDIM
Nr. 112, datë 1.3.2023

**PËR MIRATIMIN E MARRËVESHJES ME SHKËMBIM NOTASH PËR GRANTIN
PËR MBËSHTETJE BUXHETORE, NDËRMJET KËSHILLIT TË MINISTRAVE
TË REPUBLIKËS SË SHQIPËRISË DHE MBRETËRISË SË ARABISË SAUDITE**

Në mbështetje të nenit 100 të Kushtetutës dhe të nenit 19, të ligjit nr. 43/2016, “Për marrëveshjet ndërkombëtare në Republikën e Shqipërisë”, me propozimin e ministrit të Financave dhe Ekonomisë, Këshilli i Ministrave

VENDOSI:

Miratimin e marrëveshjes me shkëmbim notash për grantin për mbështetje buxhetore, ndërmjet Këshillit të Ministrave të Republikës së Shqipërisë dhe Mbretërisë së Arabisë Saudite, sipas tekstit që i bashkëlidhet këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTËR
Belinda Balluku

Ministria e Financave dhe Ekonomisë
Ministri

Drejtuar: Ambasadës Mbretërore të Arabisë Saudite në Tiranë

Projekti: Dhurim në formë mbështetjeje buxhetore për qeverinë shqiptare
I nderuar z. Ambasador,

Në vijim të notës verbale nr. 415-44-422, datë 7.11.2022 të Ambasadës Mbretërore të Arabisë Saudite në Tiranë, lidhur me grantin në vlerë 50 milionë dollarë amerikanë në formë mbështetjeje buxhetore nga Mbretëria e Arabisë Saudite për qeverinë shqiptare, për përballimin e krizës energjetike globale dhe duke konsideruar marrëdhëniet e ngushta të miqësisë ndërmjet dy shteteve tona.

Në vijim të dakordësisë së arritur me Mbretërinë e Arabisë Saudite lidhur me vlerën e grantit prej 50 milionë dollarësh amerikanë në formë mbështetjeje buxhetore, Këshilli i Ministrave i Republikës së Shqipërisë shprehet dakord për pranimin e premtimit financiar të sipërcituar.

Kjo marrëveshje hyn në fuqi, pasi palët të njoftojnë njëra-tjetrën për përfundimin e procedurave të brendshme.

Me respekt

Ministri i Financave dhe Ekonomisë

AMBASADA E MBRETËRISË SË ARABISË SAUDITE
TIRANË

(Urgjent)

Prot. 415-44-422

Datë 7.11.2022

Ambasada e Mbretërisë së Arabisë Saudite në Tiranë i shpreh komplimentet e saj Ministrisë së Financave dhe Ekonomisë të Republikës së Shqipërisë.

Dhe ka nderin të informojë se Mbretëria e Arabisë Saudite ndjek nga afër zhvillimet ekonomike në vendet e saj aleate dhe sa herë që çmohet e nevojshme dhe e arsyeshme, ofron ndihmë financiare për të mbështetur zhvillimin e tyre.

Duke marrë parasysh marrëdhëniet e ngushta midis dy vendeve tona ndër vite, si dhe situatën aktuale ekonomike në Shqipëri, të dobësuar më tej nga kriza globale energjetike dhe presionet inflacioniste, Mbretëria e Arabisë Saudite bie dakord t'i japë qeverisë shqiptare një shumë prej 50 milionë \$ (pesëdhjetë milionë dollarë)

Ky grant i pashlyeshëm vjen në formën e mbështetjes buxhetore për t'u disbursuar në një transh, pa parakushte dhe për t'u përdorur me diskrecionin e qeverisë shqiptare.

Ambasada pret marrjen e informacionit nga ana juaj mbi modalitetet e disbursimit.

Ambasada e Mbretërisë së Arabisë Saudite përfiton nga rasti për t'i shprehur edhe një herë Ministrisë së Financave dhe Ekonomisë të Republikës së Shqipërisë konsideratën e saj më të lartë.

Vula Nënshkrimi